

La .pitak´ Dho .mo .k

Mit´t.en la.pite tahe~kana. Uni la.pit´ do_ a.d.i mon´j hor.e ka.pci dar.eako kan tahe~kana. Mit´din mit´t.en officer ka.pcik´ la.git´ uni la.pitak´ dokane hec´ena. Ado ka.pcik´ jokhene metaekana, sir am do_ghu~s t.akate amak´ gharon´jem calaoeda, hor.ko bad.ae keda arko ran´gao akana, pasec´ amak´ khobor hoyok´a. Khange officer-e menkeda, thirok´me bet.a!

Arho~ onkage mit´din mit´t.en sarkari officer up´ ka.pci la.git´e hec´ena. Ado_ uni la.pit´ roror.e ehop´ena, Sir am do_ a.d.i la.t.u fa.kiba.ji hor. kanam. Ente am do_ hor.em er.e bar.ako. Uni officer do_e menkeda, la.pit´ moca bond tam, ar ban´khanem n´ela. Khange thor.a din tayom polis ona dokan ko gherao eset´keda ar uni la.pit´ jerako ehop´ena, E bet.a nonkan ban´ ganok´ a. uri katha hor.ko cedak´em metako kana? Uni La.pit´ do_ bo.to_r bo.to_rte menkeda, Sir nonkan kathan´ metako khan bohok´ reak´ up´ algate usa.ra ten´gok´tako ar in´ak´ ka.pci ka.mi ho~ mon´j hoyok´tin´a. Nonkate mit´ gha.r.ite hor.kon´ ka.pci dar.eakoa.

Bond Akan SSC Bid .a .u Darakan 27 Ar 28 May Hoyok´a

Bon´goposagor re hoyok´ kan bharnd.o hoe Mokha karonak´te disom reak´ adom adom board ko reak´ ssc bid.a.u do bondlena. Metak´me Robibar ar Sombar (13, 14 May) reak´ bid.a.u do ban´ hoeakana.

Ado noa bond akan bid.a.u do darakan 27, 28 May hoyok´a mente Anto:sikha board ren bid.a.u n´el jujut komit.i ko bad.ae oco akada. Mon´golbar (16 May) Dhaka sikha board ren bid.a.u n´el jujutic´

Professor Md. Abul Basar-e suhi akat' mit' d.ha.rwa.k' hotete noa khobor la.i lahayena.

21 May Emok' Ehobok' Kana 2021 Serma Ren JSC Pa.t.hua. Koak' Certificate

2021 sermaren JSC pa.t.hua.ko certificate ko n'ama. Metak' me okoe do ona sermare JSC bid.a.u reko selet' len onko gidra.ko certificate ko em ha.t.in'akoa. Darakan 21 May khon Dhaka Madhomik ar Uchomadhomi sikha board do certificate emok'e ehobok'a. 21 May-darakan 7 June dha.bic' certificate emok' ka.mihora calao idik'a. Nit. akan dinre nit.ak' jila. ren sikhna.t t.ha~onaren Headmaster ko sikhna.t board khon certificate tuma.l la.git' men hoyakana. Pust.a.ute bad.ae la.git'te sikhna.t t.ha~onaren maran'ic' se Headmaster t.hen Sikhna.t board do cit.hi kol akada. Sikhna.t board reak' 4 no. bhobon reak' cetan tala metak' me turui tala building khon 2021 serma ren JSC pa.t.hua. koak' certificate do sikhna.t t.ha~onaren maran' mukhia. koak' tire emogok'a.

Oka din oka jila.re emogok'a thora bon bad.aelege, 21 May do Kishargonj jila. re, 22 May do Manikgonj jila., 23 May Gopalganj jila., 25 May do Madaripur, 28 May Earidpur jila.re, 29 May do Tangail, 30 May Munshigonj, 31 May Rajbari, 1 June Shariatpur, 4 June Dhaka, 5 June Narshingdi, 6 June Gazipur, 7 June do Dhaka nagraha reak' Iskul ko reak' certificate em ha.t.in'ok'a.

Dhaka sikhna.t board-e bad.ae oco akada je, sikhna.t t.ha~ona reak' mul certificate hatao la.git' tina.k' gan gidra.ko rakap' akan, onako bibioron son'ge katec' certificate hatao hoyok'a. Iskul ren mahasoe se Headmaster se bharapon Headmaster ac'ak' se protinidhi belare, metak' me banar oktege Governing body se managing committee koak'

got awak copy selet mul certificate atan hoyok'takoa. Certificate atan bakhra ardas la git'te Governing body ren Chairman se jopor,ao menak'ko upajila nirbahi kormokorta koak' suhi a gui hoyok'a. Ban'khan mul certificate ban' n'amogok'a.

Boge Gupi Kor_a

Lopsa kakaren a.d.i uta.r ga.i d.an'gra menak'koa, Merom bhid.i ho~ menak'koa. Mit't.en gupiyic'e tahe~kantaea. Uni do beste bae gupiyet'ko tahe~kana, Lopsa kaka do a.d.itet'e a.d.i a~t.e a.r.isena, ar uni gupi kor_ae metadea, " am do ado ba.n' dohomea, jomak' n'uiak' lac' perec'in' emam kana; menkhan in'ren ga.i d.an'gra lac' perec' do bam a.tin' biyet'koa. A.d.i dinin' sahaoket'mea. Ar ga.i d.an'gra ho~ko ososgok' kanti'na.

Lopsa kaka do uni kur.hiya. gupi kor_a ac'ak' or.ak'teye kol kadea. Ar mit't.en boge gupi kor_a n'ame la.git'e od.okena. Mit't.en ato teye senena, ona atore mit't.en hud.in' kor_ae sendra n'am kadea. Uni kor_aren apate kulikedea, ar uni hor. ho~e rebenena. Ado bana hor.te kor_a ho~kin kuli kadea, Uni kor_a ho~e ra.ska.yena, are he~k' got'keda. Uni kor_awk' kur.a.i reak' ho~kin galmarao got.akeda. Uni kor_a do baskeak'e jom keda ar ac'ak' pa~era sap'kate Lopsa kaka sa~oteye hec'ena.

Lopsa kaka do uni kor_awk' ka.mi n'elte a.d.i a~t.e ra.ska.yena. Uni kor_a do setak' ho~e beret' godok'a, ar ga.i d.an'graye ar.ak'koa. Baskeak' jom la.git' or.ak'teye senok' khan, et.ak' gupi kor_a t.hene ba.giakoa. Arho~e sen rua.r. godok'a, ar et.ak' koko senok' khan, unre ac' ho~e horho hatar. koa. Okare mon'j dak' n'amok'a, ond.ege dak' n'ui laga idikoa. A.tin' bilen khanko tikin doe ad.akoa, ar ban'khan or.ak'teye idikoa, ar gor_are aderkoa. Jom kateye jira.uk'a, ar ga.i d.an'gra ho~ko jira.uk'a. Tarasin' do arho~e ar.ak'koa. Ar a.yup' do gor_are aderko jokhec'e lekha koa. Ona atoren do uni gupi kor_awk'

kurumut u n'elte a.d.iko ra.ska.yena. Lopsa kaka ho~ uni kor.a a.d.iye kusi ocoyede kan tahe~kana.

Meskoc´

Meskoc´

Pa.t.hua.gidra.ar Mahasoe talare katha hoyok´ kana:

Mahasoe: Cekate bid.a.u reak´ jo do 15, 20, 25 katec´ d.herok´ kantama? Nonka ba.i ba.ite d.herlen khan cekate hoyok´a?

Pa.t.hua.: Mahasoe, in´ do tho ar ona traffic jam re at.kao akan ga.d.i leka do dur.up´ thir ba.nun´a. Jaha lekategen´ laha calak´ kangea.

Oka Ko Ka.mi Lahare Ar Tayomte Ti A.rup´ Saphak´ Hoyok´a

Ti tege abo do jomak´bon teara, jomabon, ar jahae ho~ bon emakoa. Ti tege nawa gidra. se bale gidra. ar dula.r.ia.kobon jot.et´koa. Noa ti tege aema lekan rog do pasnaok´ kana. Onate ti sapha-sa.phi dohoe ja.rur. kana. 5 May got.a disomre sapha sa.phi babotre got.a disomre cehaona sabha se ma~ha~ do manao hoyena. Eken gharon´j redo ban´, sa~ota reak´ joto porjaire cehaona sombat ko pasnao hoyok´a.

Tin jokhen ti a.rubok´ hoyok´a:

- Jomak' tear, jomak' ha.t.in' ar jom lahare ti a.rubok' hoyok'a. Berel sa.bji se pholmul sap' lahare ti a.rup' sapha hoyok'a.
- Berel sa.bji se pholmul bohoe katet' reho~ ti do sa.bun saphak' hoyok'a. Ente berel sa.bji ar pholmul reho~ jibanu metak'me tijo ko tahe~ dar.eak'a.
- Bale gidra. ar umerte laha akan hor.ko jotet' lahare ti a.rubok' hoyok'a. Onkoak' beoharok' kic'ric'ko jot.et' lahare ho~ ti a.rubok' hoyok'a.
- Rua.k' hor. jot.et' laha ar jot.et' tayom ti a.rubok' hoyok'a. Onkoak' beoharok' kic'ric'ko jot.et' lahare ho~ ti a.rubok' hoyok'a.
- Bahre jaha sec' khon hec'kate ti a.rubok' hoyok'a.
- Me~t'-mu~-moca jot.et' lahare ho~, ar jot.et' tayom ho~ ti a.rubok' hoyok'a.
- Lutur jot.et'ltre ho~ ti a.rubok' hoyok'a.
- Bahre khon hec'kate jahan a.sul jib janwar ko jot.et' ko lahare ho~ ti a.rubok' hoyok'a. Jahan rua.k' a.sul janwar ko jot.et' tayom ti a.rup' saphak' hoyok'a.
- Racate-ta.nd.ite katec' ti a.rubok' hoyok'a. Ar ma.ila. tite racate-t.a.nd.ite katec' saphak' ho~ ban' bogea. Hoe dar.eak'a ga.d.ite jaha sec'em calak' kana. Tala hor re racate-t.a.nd.ite ka.mi pura.ukeda. Got.a d.aharre ga.d.ire cet'ko con'em jot.et' akat', janla, dur.up' ak' sit. ko. Nonkate bin bujha.ute aema jibanu ko titem d.ohao jon'a. Noa okte tite racate-t.a.nd.ite pura.ulere aema lekan rog ko hoe dar.eak'a. Onate racate-t.a.nd.ite lahare ti a.rup' saphae hoyok'a.

Sanitizer beohar: Hand sanitizer boehar ho~ bhageak' kana. End.ekhan 30 second bhor got.a ti talkare mon'jte ojog hoyok'a. Menkhan onkan n'el n'amok' ma.ila. tire tahe~len khan se jot.et' lekhan sa.bun dak'te ti a.rup' saphak' hoyok'a.

Jua_n Sa~ota

“Je ghumiye ut_hlo jege, jaglo jahar pran, Tahar upor da~r_iye ache, ei jogoter man.”

Noa onor_he~te onor_he~ guru Robindronath cet´ con´ bujha_u oco sanayede hoe dar_eak´a ona do d_her hor_ge babon bujha_u dar_eak´ kana, Tobe nia_ do pust_a_u bon bujha_ueda je, noate do jua_n ko gey bujha_u se metako kana. Onate nond_e do dha_rti reak´ lahanti ar ba_r.ic´ dosa, boge jo ar ba_r.ic´ jo, ra_ska_ ar bhabna noa sanamak´ do jua_nko cetanrege menak´a. Tobe jua_n do okoe bon metako kana? Noa reak´ ror_rua_r_ do Robindronath t_ha_kur a_d_i napaeteye em akana. Uni doe meneda, Sanam hor_ge mit´ okte emon umer rebon set_erok´ kana, unre a_n khon bea_n, suluk khon besuluk, moron khon jion, a_n se sa_ri khon uria_u (Abeg) koge d_her boge dobon metak´ kana.

Ar manwawak´ t_hik noa oktege ko metak´ kana Jua_n Umer. Adobon n´ela uni Robindronath leka abo sanam hor_ak´ jua_nko t_hen cedak´ una_k´ khojogok´ do, Dr. Lutfor Rahman ho~ onkagey men akat´a, jahan goc´ mora dare redo ban´ jok´a ar jahan ja_li se ka_t.ic´ dare reho~ ban´ jok´a, hor_ kodo onko t_hen geko asok´a, okoe do emok´ reak´ dar_e menak´tae. Onatege jua_nko sanam koak´ nuna_k´ khojogok´ ente onkoak´ onako emok´ reak´ dar_e menak´tako. Menkhan onko metak´me jua_n kodo hor_koak´ khojogok´ ko purun dar_eak´ kana? Ror_rua_r_ do ban´, cedak´ bako purun dar_eak´ kana? Ona reak´ et_ket.o~r.e~ do onko t_henge menak´a, bako dar_eak´ kana, ente onkore menak´a hiska_, ba_d.a.i, a_k´yur ko reak´ okula_n, n´u bulok´ be-manot emanteak´ ba_r.ic´ colon, ar onate jua_nko akoak´ da_yik ka_mi sec´ bako sen laha ocoako kana, Bises kaete bon n´ela n´u bulok´ do nia_ko dinre d_her jua_nko latar sec´e or phed_ idiyet´ko kana.

Nia_ko oktere sohor bajar leka d_her ato kore ho~ aema lekan ba_r.ic´ nisa_te jua_nkoko ja_bun caba akana, ar nonkate ba_i ba_ite noa jua_n sa~ota reak´ tayom daram din kodo a_d_i ba_r.ic´ se n´ut sec´ sen idik´ kana mente bujha_uk´ kana. Nit ho~ abo santal kore d_her laha akan ko menak´bona, menkhan noa ko reak´ jahan ten`go daram se dog la_git´ jahan ka_mi hora ba_nuk´tabona. Nitge judi abo sa~ota reak´

noa hal la.git' babon aodhanlen khan, noa disomre noko deko talare abo santal sa~otaren jua.nko t.hen abo do cet' ho~ ohobon as dar.elena, ar mare gurukoak' jua.nko cetanre ol menak' ona napae napae ar dar.eanak' kathako reak' ho~ oho sa.rilena.

Nia.ko okte aema sa~otare pheraok' reak' nana huna.r katha mala ar ka.mi horako od.ok pasnaoeda, jemon do noako katha mala ar ka.mi hora talate disom se sa~otaren sanamko uskurko n'am ar onkate disom ar sa~ota pheraok' do hoyok'. Bad.ae geabon jua.nkoak' do aema dar.e menak'a, tobe ona dar.e judi t.hik oktere t.hik t.ha.~irebon lagaole khan kha.t.ige sanamak'ge let.ejok'a ar judi t.hik oktere t.hik t.ha.~ire ban' lagaolen khan et.ak' t.ha.~i ar oktere lagaolen khan ona reak' jo a.d.i ba.r.ic' hoyok'a ar onate do sanam sa~ota ar disome ba.r.ija. Nit noa Digital jugre abo santal sa~ota a.yur la.git' a.d.i ga.khur. ar boge a.k'yurko reak' ja.rur. menak'a, nia.ko dinre bhage bak'd.ae ar sanam sec'te ga.khur. a.k'yurko bako tahe~len khan abo lekan a.diba.si sa~otaren sanam Manwa kodo mit' din noa dha.rti n'utuman groho khon bon adok'a ar tayom bida.lren jahaenge tisho~ bako bad.aea santal se a.diba.si n'utuman mit't.en ja.t dha.rti reko tahe~kana mente. Onate delabon aboak' jua.n sa~ota bon ban'caoa arbon jotona jemon ona reak' mon'j jobon n'am dar.eak'.

Raj Ar Kat . Mamak'ic'

Mit' okte Mit't.en Raje tahe~kana. Uni Raj do birre kat. mamak' la.git' thor.a hor.e hataoket'koa. Onko modre mit' hor. do et.ak'ko mod khon mit' gha.r.ite d.her kat.e mak'keda. Ona n'elte Raj do bogete ra.ska.yente uni kat. mamak'ic' hor. maran'ic' mente bachaokedete kur.a.ie emadea. Khan uni hor. do arho~ ra.ska.te a.d.i jhu~k monte ka.mi ehop'ena. Pa.hil candoge gel ira.l (18) got.en kat.e mak'keda, arho~ Raj do a.d.ige kusi ra.ska.yena. Onkage dosar cando ho~ gelmo~r.e~ (15) got.en ar tesar cando do gelbar (12(got.en kat.-e

mak'keda.

Raj do pe cando tayom n'en'ele hec'enre uniak' ka.mi n'elte hahar.ayena. Ente noa lahare uniak' ka.mi ar kurumut.u do juda.ge tahe~kana. Onate uni hor. t.hen nonkan ka.mi reak' karontet'e kulikedea. Kat. mamak'ic' uni hor. doe ror. rua.r.adea, E maharaj, jaoge jhu~k ar kurumut.uten' ka.mikana, enreho~ cedak' je, ka.mire thor.an' d.hila.u akana ohogen' bujha.u dar.eak' kana. Pasec're umerte lahakante nonka ka.mi hoyok' kana. Unre Raj uni hor.e metadea, t.hikgea, t.en'goc' a.guitam se n'ellege. Khan ona n'elket' tayom uni hor.e kulikedea, mase end.ekhan la.ime noa candore muca.t' dhao tis noa t.en'goc'em laser leda? Kat. mamak'ic' oka ror. rua.r.e emket' ona an'jomte Raj arho~ a.d.i a~t.e hahar.ayena. Uni hor.e menkeda, E maharaj jao hilok'ge thor.a d.her kat. mak' ia.te pe cando khon t.en'goc' laser reak' a.t se opsorge ba.n' n'am akada. Ado nit Raj ar uni hor. bana hor.ge kat. kom mak' reak' karontet'kin bujha.u dar.eada.

Sikha.una: Dha.rti jionre kamkaj sa~o sa~o jira.uk' reak' ho~ ja.rur. menak'a. End.ekhan ka.mire kurumut.u ar jhu~k mon hijuk'a.

Utu Sunum (Soabin) Reak' Dam Arho~ D.herena

Utu sunum (soabin) reak' dam arho~ d.herena. Sunum upja.n se arjonia. somiti reak' mit' d.ha.rwa.k' re men akana je, Bangladesh Vegetable Oil Refiners and Bonaspati Manufacturers Association Ministry of Commerce ar Bangladesh Tariff Commission sa~o gapalmarao kate sunum dam d.her reak' ko got.akeda.

Nawa nit.ak' se got.a lekate, nit' khon mit' lit.er soabin sunum 199 t.aka katec' a.khrinok'a. Noa lahare 187 t.aka katec' a.khrin'ok' kan tahe~kana. Ina. chad.a ho~ 5 lit.er botol sunum reak' dam 960 t.aka

par.aoena. Noa ho~ ina. laha do 906 t.aka katec' a.khrin'ok' kan tahe~kana. Nawate 54 t.aka d.herena. Et.ak' sec'bon n'el lekhan, khola soabin reak' dam ho~ lit.er re 9 t.aka d.herena. Khan onkage khola sunum reak' dam lit.er re 176 t.aka par.aoena. Onka leka khola nar.kor. sunum ho~ lit.er re 135 t.aka katec' a.khin'ok'a. No~ko~e nonka nawate rakap' akan dam lekate nit' khon ha.t.ia. bajar re sunum kirin' n'amok'a.

Ban'gla Na~wa~ Serma 1430 Pata Mela Ar Lolo Seton'

Calaoen 14 ta.rik Sokolbar din do ta~hekana Ban'gla Na~wa~ Serma 1430 ar Pata mela. Ona din re in' son'geye ta~hekana Dhaka khon hec'len mit' official ka.mi per.a. Amnura khon Rajshahi airport te rua.r. okte re horre nuna.k' hor.ak' calak' hijuk' ta~hekana je, disom re 40/45 degree Lolo Seton' do cet' ho~ bako moneak' kana.

Ban'gladisom redo calaoen 9 serma reak' jharla jha.rli lolo seton' doe parom akada. Nonkan lolo seton' re hor. hoponko do cet' ho~ bako moneak' kana; 14 ta.rik do hoe pura.uen a Cobbis nogor pata mela ar dosar din do Jhalpukur mela. Onka leka got.a Ban'gladisom re aema jaega re hoe pura.uen a Pata mela do. Nonkan botor lolo seton' re jhak' jha.bur lohot' katet' re ho~ gogo baba boeha misera ar hopon gidra.ko son'ge katet' jiwire botor ban' katet' Pata mela teko set.erlena. In' son'geye ta~hekana ira.lgel mo~r.e~ (85) umer ren har.am hor., adoye kulikedin'a nuna.k' jharla jha.rli seton' re cedak' noko hor. hopon do pata mela teko calak' kana; ado ror. rua.r. do ta~hekana; hor.ko son'ge n'apam ar ra.ska. jon' la.git'. Ado nuna.k' lolo seton'? He~ nuna.k' lolo seton' rege. Ar Santali seren' don' disa. keda arin' gapalmarao adea;

Serma seton' dada jarat' jarat'

Ot lolo dada rukur, dhiri

Serma seton' dadan' sahaoa

Ot lolo dadan' sahaoa

Jurie ba.gia.n' dada ba.n' sahaoa

A.d.i a~t. doe hahar.ayena. Ina. tayom ge in'ren a.d.i sor mit' hor. don' phone adea arin' kuli kedea okare menak' mea? Adoe la.i adin'a in' do Cobbis Nogor reak' pata t.and.i re. Uhh a.d.i lolo ar aema hor. doko jaroa akana, mela ho~ a.d.i bes lagao akana. Santal hor. hoponko do a.d.i ra.ska. selet' mela re aema lekan jinisko kirin' eda; jom n'u~ ar a.d.i ra.ska. selet' aema ka.ud.i doko khorcaeda. Ar haire deku pusi tina.k' ra.ska. selet' santal gogo baba boeha miserako ar gidra.ko t.hen khon sanam ka.ud.i doko lut.uc' hataoeda. Gubli reak' sanam ka.ud.i caba katet' ar ho~ or.ak' teko rua.r.ena; or.ak' khon hijuk' ar calak' la.git' herel hopon leka Bhar.ate ga.d.i.ko a.gu akada. Santalko, a.diba.siko tina.k' ra.ska.!!!

Menkhan aboak' jumi jaega khon bon laga ocok' kana; jahan katha ba.nuk'a; a.ida.ri babon khat.ao dar.eak' kana, Olok' par.hao calao idi la.git' or.ak' re ka.ud.i ba.nuk' tabona, khet bar.ge cas bas la.git' ka.ud.i ba.nuk'a, or.ak' dua.r benao la.git' ka.ud.i ba.nuk'a, bhageak' jom n'u~ la.git' ka.ud.i ba.nuk'a; rua. hasore par.ao lenkhan ka.ud.i ba.nuk'a; bhage ka.mi hora pura.u la.git' ka.ud.i ba.nuk'a; Somoe ba.nuk'a; haire santal hopon delabon rua.r. ma; bhage ka.mire la.git' ka.ud.i bon khorcai ma; ar darakan din la.git' bon gand.on jon' ma.